

Oqaluuserisassanut nassuiaat.

(Inatsisartut Siulittaasuat)

Kukkusoqarneratigut immikkoortut 43 aamma 103 ataatsimoortillugit oqaluuserineqartussatut oqaluuserisassani allanneqanngitsoorsimapput, ataatsimoortillugilli oqaluuserineqassapput. Immikkoortut ulloq 10. oktober oqaluuserineqassapput.

Immikkoortoq 43:

Pisortat ataatsimoortumik allaffissornerisa aaqqissugaanerannut atatillugu naliliinissamut ataatsimiititaliarsuarnik pilersitsisoqarnissaanut Naalakkersuisut peqquneqarnissaannut Inatsisartut aalajangiiffigisassaattut siunnersuut. Maanna suliaasaasut aallaavigalugit allaffissornerup annertussusaa ataatsimiititaliarsuup nalilersussavaa, suleriaatsit sunniuteqarluarnerusut pilersinnissaannut immikkoortorta qarfiillu suliaasa qarfiillu (sektorit) akimorlugit suleqatigiinnerup pitsanngorsaaviginissaanut periarfissat misissussallugit, kiisalu allatut aaqqissuussinissamut periarfissanik siunnersuuteqarluni. Siunnersuutini tamani inatsisit ingerlatsinnermut tunngasut qasukkartinneqannginnissaat aallaaviussaaq. Ataatsimiititaliarsuaq inunnit sektorinit assigiinngitsuneersunit inuttaqassaaq, tassa pisortat sektoriineersut aamma namminersortut sektoriineersut ilaasortat misilittagaqartut amerlaqatigiissallutik. Ataatsimiititaliarsuaq assigiinngissitaartuneersunit ilaliussanik sulisitaqassaaq, sulininilu ukiut marluk iluanni naammassissallugu. Tamatuma kingorna ataatsimiititaliarsuup innersuussutai Inatsisartuni politikikkut suliarineqassapput.

Aamma

Immikkoortoq 103:

Immikkoortuni Namminersorlutik Oqartussat kommunillu akuuffigisaanni marloqiusamik allaffiossornerup pinngitsoortinneqarnissaanut, ataatsimut suleriaatsit pisariillisarnissaannut isumalluutillu avitseqatigiissutigineqarnissaanut periarfissat qulaajaaffigalugit Naalakkersuisut nassuiaammik UKA2021-mut saqqummiussinissamik peqquneqarnissaannik Inatsisartut aalajangiiffigisassaattut siunnersuut.

Immikkoortoq 123-p aappassaaneerineqarnissaa kinguartinneqassasoq Ilaqutariinnermut Peqqissutsimullu Ataatsimiititaliamit qinnutigineqarpoq.

Immikkoortoq 123: Naalakkersuisut kingusinnerpaamik UPA2020-imut Aasianni annertuumik innarluutillit angerlarsimaffiannik pilersitsinissaminnut pilersaarusoqqullugit peqquneqarnissaanik siunnersuut.

Immikkoortoq ulloq 6. november aappassaaneerineqassaaq.

Immikkoortoq 210-p aappassaaneerseqarnissaa pingajussaaneerseqarnissaalu 6. november aamma 12. novemberimut kinguartinneqarput.

Immikkoortoq: 210: Uunga siunnersuut: Suliniutini angisuuni illuliortiternernik sanaartornernillu suliasat pillugit inatsisartut inatsisaata allanngortinnissaa pillugu Inatsisartut inatsisaat nr. xx, xx. xx 2019-imeersoq.

Immikkoortoq 26-p siullermeerneqarnissaa aappassaaneerseqarnissaalu 21. oktober aamma 13. novemberimut kinguartinneqarput

Immikkoortoq 26: Inatsisartut Suleriaasiannut allannguutissatut siunnersuut.

Ilaasortat uku akornanni taasisarnerit pillugit isumaqatigiissuteqartoqarpoq:

Hans Enoksen, Parti Naleraq aamma Malene Vahl Rasmussen, Demokraatit

Pele Broberg, Parti Naleraq aamma Anders Olsen, Siumut

Kim Kielsen, Siumut aamma Muté Bourup Egede, Inuit Ataqatigiit

Jens Napatok, Parti Naleraq aamma Vivian Motzfeldt, Siumut

Peter Olsen, Inuit Ataqatigiit aamma Doris Jakobsen Jensen, Siumut